


**ВОДЗАЧ
ЗА
МЛАДИХ
ВИБЕРАЧОХ ХТОРИ
ПЕРШИРАЗ
ГЛАСАЮ**



РЕПУБЛИЧНА ВИБЕРАНКОВА КОМИСИЯ, 2023.




ПЕРШИРАЗ ГЛАСАШ?

Дня кед наполніш 18 роки поставаш полноправни член дружтва. Теди здобуваш виберацке право и можеш одлучовац о тим хто буду народни посланіки хтори буду заступац твое право и интереси у Народней скупштини, хто буду посланіки у Скупштини Автономней покраїни Войводини и хто буду одборніки у твоім городзе/општини.

Чи ши роздумовал/ла як будзе випатрац твоя жем за 10 або 15 роки? Чи будзеш жиц у жеми у хторей ше почитую людски права, стара ше о животним штредку, бори ше процив худобства? У жеми у хторей хлопи и жени ровноправни? Жем хтора ци оможливи же биш шлебодно путовал и упознавал швет? Чи ше стараш о тим як пренайсц роботу хтору биш любел/ла? Цо ше случує зоз климатским препенками и глобалним зогриваньом? Здравством, образованьом?

Шицки тоті питаня вплівую на тебе и на гевтих хторих познаш и, на даєден способ маю вязи з политику. Прето би це требало интересовац!




Политика часц твойого каждодньового живота и живота людзох котри ци знача. Добра вистка тота же можеш впливовац же би ствари були лепши. Твой попатрунок на швет єдинствени и єднак важни як и гоч хтори други. Швет у хторим жиєме меня ше швидко и не маш часу же биш бул неми припатрач. Зоз здобуваньом права гласа, здобуваш и моц же биш діловал и менял. Уключ ше и формуи свою будучносц.

Гласай бо то твоє право. Вибер як жадаш жиц.

На недзелю, **17. децембра**, будзеш мац нагоду першираз гласац, и то так як ти сцеш. Вецей як 8000 виберацки места буду отворени и будзе ци потребне лєм даскельо минути же биш гласал.

КОГО ВИБЕРАШ 17. ДЕЦЕМБРА?



Зоз гласаньом на виберанкох и зоз заокружваньом шорного числа опрез назви єдней виберанковой лістини на гласацким лістку, участвуєш у вибору **250 народних посланікох Народней скупштини**, хтори буду, у твоє и у мено шицких гражданох Републики Сербії, приносиц закони и други акти, виберац Владу и других функционерох и окончовац контролу над роботу Влади и другима државними орґанами.

Вибераче хтори жию на території Автономней покраїни Войводини буду виберац **120 посланікох Скупштини Автономней покраїни Войводини**, хтори буду приносиц одлуки и други акти у вязи зоз ушорйованьом явних роботох за витворйованє общих интересох покраїни.

Вибераче у 66 општинах/городах буду виберац и **одборнікох скупштинох општинах/городах**, хтори буду приносиц предписаня у вязи зоз ушорйованьом явних роботох за витворйованє общих интересох локалней самоуправи.

Кандидатох за народних посланікох, посланікох и одборнікох предкладаю политични странки, коалиції политичних странкох и групи гражданох.

ЧИ МАШ ПРАВО ГЛАСАЦ?



Право гласац на парламентарних виберанкох маю шицки полнолітні державяне и державянки Републики Сербії хтори жию у жеми и иножемстве, над хторима не предлужене родительске право, односно котри роботно способни.

Же биш могол/ла гласац, мушиш буц уписани/а до виберацко-го списку и мушиш мац важацу особну легитимацию або пасош.

ЧИ ШИ УПИСАНИ/А ДО ВИБЕРАЦКОГО СПИСКУ?



Можеш превериц:


- зоз одходом до своєї општинскей/городскей управи;
- на веб презентациі [Министерства державней управи и локалней самоуправи](#);
- на [Порталу еУправа](#), кед ши регистровани хаснователь Портала еУправа и маш мобилну апликацију ConsentID або квалификовани електронски сертификат.

У случаю же ши не уписани/а до виберацкогo списка або у нїм неправоулно уписани твою податки вимогу за уписоване/пременку податкох у виберацким списку можеш поднєсц општинскей/городскей управи у месце спрам адреси зоз особней легитимациї або на [Порталу еУправа](#) **найпознейше 1. децембра**.

Кед же ши вибєрач - припаднїк националней меншини маш право поднєсц вимогу твоєй општинскей/городскей управи або на [Порталу еУправа](#) же би ше твою мено и презвико у виберацким списку уписало, попри сербскогo язика и кирилки и на язика и писму твоєй националней меншини.

У периодзе **од 2. по 13. децембер 2023. року**, вимогу за уписоване/пременку податкох у виберацким списку подношиш непоштрєдно Министарству державней управи и локалней самоуправи, або преїг твоєй општинскей/городскей управи, або на Порталу еУправа.

ДЗЕ ГЛАСАШ?



На вибєранкох гласаш на виберацким месце на хторим ши уписани/а до виводу зоз виберацкогo списка спрам места перебуваня (адреса зоз особней легитимациї).

ВАЖНЕ: Кед же пре школованє перебуваш (место перебуваня) у месце розличним од гєвтого у хторим жиєш и жадаш ту гласац, потребне же биш поднєсол вимогу општинскей/городскей управи у тим месце же би ше у виберацким списку уписал податок же на наїходзацих вибєранкох будзеш гласац спрам места твоегo перебуваня (вибране место гласаня), **найпознейше по 25. новембер 2023. року.**



Кед же ше источашне зоз парламентарними виберанками отримую и локални виберанки, а ти ше одлучиш вибрац место у хторим будзеш гласац спрам места перебуваня, не годзен ши гласац на локалних виберанкох бо то можливе лем у месце у хторим жиєш, односно у хторим маш место перебуваня.

ЦО РОБИЦ НА ДЗЕНЬ ГЛАСАНЯ?



Вибераци места буду отворени од 7.00 по 20.00 годзин и ясно су означени же би их кажде могл легко пренайсц. Гласане ше найчастейше окончує у просторийох школах, општинах/городах, оводоох, месних заєдніцоох, домоох култури.

Виберанки на виберицким месце запровадзи виберицки одбор. Виберицки одбор ма стаємни и преширени состав.

Стаємни состав (обовязни) виберицкого одбора творя председатель, двоє члени и їх заменіковє. Их менує локална виберицкова комисия, на предклад посланицких групох у Народней скупштини. Кажда посланицка група ма право же би предложела число членох и заменіка членох виберицких одборох хтори пропорционално одвитує заступеносци посланицкей групи у Народней скупштини на дзень розписованя виберицкоох.

Кажди подношитель преглашеней виберицковей лістини ма право же би предложел члена и заменіка члена до **преширеного составу** виберицкого одбору.

Виберицки одбор ушорює виберицке место на предписани способ хтори треба же би обезпечел правилносц и тайносц гласаня, запровадзує гласане и утвердзує резултати гласаня на виберицким месце.

Члени виберацкогo одбору ше догваряю коло дзеленя задлуженьох у цеку дня за гласанє (хаснованє УВ лампи, утвердзованє идентитету и пренаходзенє виберачох у виводзе зоз виберацкогo списку, хаснованє спрею, придаванє гласацкогo лістку, толкованє о способе гласаня и друге).

Попри членох виберацкогo одбору, на виберацким месце маю право буц и **припатраче** (домашні и странски) хтори акредитовани з боку Републичней виберанковей комисії. Припатраче виключно провадза виберанкови поступок на виберацким месце, односно лєм провадза запровадзованє гласаня.

Кед придзеш на виберацке место:

- приходиш гу члену виберацкогo одбору хтори ци зоз УВ лампу превери указуюци палец на правей руки же би утвердзел чи ши уж гласал/ла, односно, чи маш шлїди спрею за означованє виберачох хтори уж гласали;
- потим, придаваш особну легітимацию або пасош другому члену виберацкогo одбору же би утвердзел твой идентитет. Добре би було, алє не необходне, же биш вжал зоз собу и поволанку за гласанє;
- кед утвердзени твой идентитет, шлїдуюци член одбору гледа твойо мено и презвиско у виводзе зоз виберацкогo списку, заокружує шорне число опрез твойого мена и презвиска и ти ше подписуєш до одвитующей рубрики;
- кед ше подпишеш до виводу зоз виберацкогo списку, приходиш гу члену виберацкогo одбору хтори цизначи указуюци палец на правей руки зоз спреюм, зоз чим ше означає кажди виберач хтори гласа, покля ци други член виберацкогo одбору прида гласацки лісток и потолкує ци як ше гласа.

Гласаш особне и тайне. Особне гласанє значи же можеш гласац лєм у свойо мено. Ніхто не шме уплївовац на тебе як треба же биш гласал, анї ши не длужни повесц дакому за кого ши гласал.

Пойдзеш за параван, **заокружиш число опрез назви єдней виберанковей лістини** за хтору сцеш гласац.

Ніхто ци у тим не шме завадзац, односно патриц як ти гласаш. Кед ци будзе повредзена тайноса гласаня, маш право поднесц поступок за поніщованє гласаня на тим виберацким месце.

Кед пре неписменосц, слабовидосц, инвалидитет або даяку другу причину не можеш сам пополніц гласацки лісток, маш право же биш на виберацке место приведол помагача хтори у твое мена пополні гласацки лісток так як му ти одредзиш.

Кед заокружиш число опрез назви єдней виберанковей лістини, зогинеш и уруциш гласацки лісток до, за тото означеной, гласацкей шкатули, После того напущуеш виберацке место.

Винімово, кед ши пре чежку хороту або инвалидитет не у можлівосци пойсц на виберацке место и гласац, **потребне о тим обвисциц локалну виберанкову комисию найскорей 14. децембра, а найпознейше 17. децембра до 11 годзин, односно, виберацки одбор на дзень гласаня найпознейше до 11 годзин.**

Гласанє звонка виберацкого места подрозумює же до це приходза три члени виберацкого одбору (повереніки) хтори:

- утвєрдзую твое иденитет;
- з помоцу УВ лампи превєрюю чи ши уж гласал/ла;
- придаваю ци потвєрдзєнє о виберанковим праву за гласанє звонка виберацкого места хторе потребне же биш подписал и придал членом виберанкового одбору;
- означую ци указуюци палец на правей руки зоз спреюм и придаваю ци: гласацки лісток, собирну виберанкову лістину и окремну коверту до хторей, кед гласаш, положиш пополнєти гласацки лісток;
- упознаю це зоз способом гласаня.

Кед повереніки виберацкогo одбору напуца просторию у хторей будзеш гласац, ти:

- гласаш, сам/а або з помоцу помагача;
- зогинеш гласацки лісток и уруциш го до окремай коверти хтору завреш.

После гласаня, повереніки виберацкогo одбору ше врацаю до просторії у хторей ши гласал/ла и:

- кладу наліпку на окрему коверту у хторей ше находзи гласацки лісток;
- запечацовану коверту зоз гласацким літком и подписане потвердзене о виберанковим праву за гласане звонка виберацкогo места кладу до службеной коверти.

Кед ше враца на виберацке место, повереніки виберацкогo одбору придаваю председателюви виберацкогo одбору службену коверту хтору вон отвера, проверює чи ше у нїм находза твое подписане потвердзене о виберанковим праву за гласане звонка виберацкогo места, заокружує шорне число под хторим ши уписани/а до виводу зоз виберацкогo списку и на месце означеним за подпис кладзе надпомнуце же ши гласал звонка виберацкогo места. После того, отвераю запечацовану коверту и зогнути лісток уруцюю до гласацкей шкатули.

ЦО ШЕ СЛУЧУЄ КЕД ШЕ ГЛАСАНЕ ЗАКОНЧИ И ВИБЕРАЦКЕ МЕСТО ЗАВРЕ?



Кед ше виберацке место завре, виберацки одбор приступа утвердзованю резултатох гласаня. Кед утвердзи резултати гласаня, виберацки одбор длужни други прикладнік записніку о работи виберацкогo одбору хтори ма резултати гласаня вилужиц на виберацким месте.

Перши прикладнік записніку о работи виберацкогo одбору, виберацки одбор придава локалней виберанковей комисії хтора го скенируе и обявюе на веб-презентациї [Републичней виберанковей комисії](#).

Кед це интересую резултати гласаня, годзен ши их видзиц на твоім виберацким месте, як и на веб-презентациї [Републичней виберанковей комисії](#).

За вецей информации о виберанкох можеш опатриц веб-презентацию Републичней виберанковей комисії www.rik.parlament.gov.rs и biraci.parlament.gov.rs.

Зоз своїм гласом вибераш свою будучносц!



РЕПУБЛИЧНА ВИБЕРАНКОВА КОМИСИЈА

Краля Милана 14 11000 Београд, Сербия
Т: 011/3026-000, 011/3026-100, 011/3026-200
Е: rik@parlament.rs, izbori@parlament.rs
www.rik.parlament.gov.rs



Инстаграм
rikrsbije



YouTube
Републична виберанкова
комисија

